

壽例封祿卹尊儀奠饗配例贈人壽合葬墓誌銘



皇  
清  
生  
生  
生

生  
生  
生  
生  
生

生  
生  
生  
生  
生

生  
生  
生  
生  
生



先贈侯府侯

分令歲歲

歲斜

皇清例封文林郎太學生殿臣吳公暨元配例贈孺人

石孺人合葬墓誌銘

殿臣公余父執也然每晉接時則謙讓過余謂非以其次子輩嘗從余學禮固然與壬辰秋闈公長子襟三與余同舉於鄉世誼兼以年誼余職在子姪列也而公仍謙讓如初余三次館於公里觀其行事採諸鄉評證以昆弟之言並與公同事諸人語及東省駁規皆於公多所稱述以故公之爲人得畧知其顛末



茲襟三將當大事持狀索誌蓋求實錄也按狀公姓  
吳氏諱植楓字殿臣號丹亭太學生

例封文林郎世籍太平縣南柴莊柴史里七甲吳氏自鼻  
祖忠信公下代有傳人不能悉數大抵以儒術冠冕  
者居多焉公於處士諱聚奎公爲曾孫於邑庠生諱  
內錦公爲孫於處士諱善濟公爲長子於從九品諱  
善觀公爲姪因公居長生未育嗣之遵考命也公生  
皇饒至性抱不世才狀尤異孩時纔學步望之昂昂如

鶴雛少長出就傳授經口過輒成誦命之題捉筆惟  
嫌幅短識者曰此延陵氏千里駒也竟以貧不克卒  
業年十六就東賈人咸爲公惜公慨然曰顧不甲第  
耳卽賈不能學乎夫賈卽學也事事心焉而身之聖  
賢之業在此矣馬遂東抵鋪夥林立長於公者若而  
人然東君特奇公謂當事者此子年綦少顧稜稜色  
作義可材也異日必能了吾事君善視之日後且代  
君後公往來蘇杭事關手立辦卒筦鋪事如東君言



公賈東凡四十年筦事後生理日蒸蒸日上然公未嘗少自伐待夥友兼寬嚴體東俗淫靡少年經商者多恣縱他鋪掌事少懦或外出其下輒蕩不可制而公鋪常肅若公歸家卽三二年不到鋪亦卒無事人皆服公才而不得其所以公平易無客氣然自待待人必以禮家居子姪或有過不明言以色示之意否則取經籍事相關照者紙諸壁不識字者命襟三講析之俾以耳代目不改謫如法以故闔宅無勃谿而子

姪亦多所成就於虜觀公之治家卽所以治鋪者可知矣公好書在江蘇時嘗以北方書少且無善本諸坊間擇切要者續置之蓋每回不下數十百卷皆極精善雖罄囊中物不少惜嘗集襟三輩指所置書語之曰吾以家貧爲人役酸辛數十年奔走數千萬里路所以貽汝曹者盡此善讀之吾兒也隨目素懶讀者厲聲曰不則吾蠹也慎勿噉吾飯矣其嚴教誨如此燕居一卷外喜閱京報雖郵寄數十筒他人浩如



烟海公一目了然以閱之有素前事爛熟故也襟三館歸侍坐或至夜分不一語及家事惟曰某官陞調某處某人劄奏某事某省災旱某處災水

皇上發帑金若干萬著某大臣賑拯至利害關切處輒咨嗟太息三覆不置如家務予嘗謂襟三吾儕讀聖賢書幸得擢一榜帖括外曾不手邸報一寓目置國是膜外謂無預吾輩事而翁若此能勿媿耶或曰公賈人耳何必爾余曰古人身江湖心廷闕范文正當茂

才時以天下爲已任此何爲者也惜公賈人也儻假一官握尺寸柄眷

國家事當復何如耶於虜觀公之於

朝堂事卽所以報東君者又可知矣公晚年家頗裕然被服飲食素樸如嚮時子姪溫飽而已襟三雖高擢約尤嚴曰吾上不負東君下不開奢侈實使子孫爲紈袴膏粱物者在此也公素強無病且七十健步如少年歲辛丑五六月間遘泄疾頗憊然猶出入不人



扶盭逝之夕燈時猶與襟三談經史三更後疾忽劇  
旋酣寢鼾聲如雷而逝余聞之曰此公爲善嗜書之  
效也觀世人之展轉牀褥彌年月侍者不勝劬而病  
者亦復叫號苦萬狀卽天之所以厚公可知襟三輩  
其亦可少寬無以不獲久侍湯藥兼得飽聞遺囑爲  
憾矣公生於乾隆三十九年六月初四日申時卒於  
道光二十一年十月二十六日卯時享壽六旬有八  
元配石孺人董村處士諱大盈公女

例贈孺人生於乾隆四十年四月初七日戌時卒於嘉慶  
八年三月二十九日申時享年二十九歲繼配張孺  
人西吉莊處士諱鑑公女

例封孺人在堂男四伯江元石孺人出由廩生中式道光  
壬辰科鄉試二十五名舉人娶巨氏史威莊太學生  
諱其檜公女繼曹氏絳州南社莊增生諱文炳公女  
仲潤元承乃弟蔭川公嗣娶張氏絳州店頭莊諱德  
元公女繼薛氏大趙莊太學生諱樂善公女再繼張



氏趙康鎮諱士倬公女叔治元聘賀氏董村諱步鰲  
公女娶許氏北柴莊太學生名豫升公女季法元娶  
張氏絳州北社莊太學生諱緝載公女孫四長壩娶  
楊氏馬村增生名爾音公女次壩聘陳氏楊威莊名  
圭元公女俱汪巨氏出三城治元出四城潤元出曾  
孫一熾昌壩出誌已且銘

銘目有賈其業有士其行多聖賢書少世俗情惟主  
是利教子成名如公者宜廟堂之經濟而肆市之經

營天胡此醉又速公以冥征虹霓萬丈漫天縈化爲  
佳氣蒸佳城於虜公行歸兮吾涕傾

例授文林郎吏部揀選知縣壬辰科經魁

年愚姪王爾中頓首拜撰文

例授文林郎吏部揀選知縣壬辰科舉人

年愚姪高振麟頓首拜書丹

誥授武德騎尉候補守禦所正堂

姻愚弟巨其柱頓首拜篆蓋



治

域

孤<sub>哀</sub>子吳江元齊期孫<sub>墟</sub>齊哀曾孫熾昌瘞石

法降服孫城

附錄文林有吏暗縣數畝親王是所縣城

附錄文林有吏暗縣數畝親王是所縣城

道光三十二年歲次壬寅十月二十七日未時天梁外



